

A2<sup>r</sup>

Dem Chriftlichen Lefer  
 GEnad/ Fried/ Troft/ vnd be-  
 ftendigkeit von GOtt dem  
 Vatter aller Gnaden/ vnd dem  
 einigen Heiland vnferm Herren  
 Jhefu Chrifto/ in dem heiligen  
 Geifte/ fampt meinem andechti-  
 gen Gebet vnd willigen dienften  
 zuuor.

Chriftlicher vnnd gut-  
 hertziger Lefer: Was vnfer  
 lieber HERr vnd Heiland  
 Chriftus/ Gottes vn̄ Marie  
 Son/ v̄ dem jüngften Ta-  
 ge/ vn̄ der letzten ſchweren zeit  
 der Welt/ Matth. 24. Ca.  
 vnd ſonft anderswo geweiffaget, das ſehen wir  
 im Werck vnd mit der that erfüllet fein/ Alfo/ dz  
 wir nu mehr/ vns nichts gewiffers/ denn der zu-  
 kunfft des HERRN zum Gericht zu verfehen  
 haben/ Vnd do vn̄ter allen ftücken welche durch  
 Chriftum/ durch die Propheten vnd die Apoftel  
 verkündiget worden/ keines genug were/ vns zu-  
 bewegen/ daß wir vn̄zweifelich dafür hielten/ der

A ij                    letzt

A2<sup>v</sup>

letzte vnd jüngste Tage were nahend für der  
 Thür/ vnd der Richter vber Lebendige vñ Tod-  
 ten/ würde der Tage einen/ vnverfehens schnell  
 vnd plötzlich/ gleich wie ein Dieb zur finstern  
 Nacht/ mit feiner groffen Herrlichkeit kömen/ so  
 folte vns doch der jetzigen Welt groffe Boßheit  
 deffen bereden vñ überzüegen/ weil vom HErrn  
 Chriſto gefaget iſt: Wenn des Menſchen  
 Sohn kömen wird/ Meintu daß Er  
 auch werde Glauben finden auff Er-  
 den? Luce am 18. Denn es wiffen/ fehen vnd  
 erfahren/ alle fromē/ Gottforchtige vnd züchtige  
 Hertzen/ daß jetzund faft in aller Welt ein folche  
 Boßheit vnd Mutwill regiret daß nicht müg-  
 lich/ daß die Erden dieſelb in die leng tragen/ vnd  
 der Hiemel ferner bedecken könne/ Sondern es  
 muſſe brechen/ vnd Gott müſſe nach feiner Ge-  
 rechtigkeit Rach vben/ das Gottloß wesen ſtraf-  
 fen/ vnd die Fromen mit der gewünſchten vnd  
 lang lang gebetenen Offenbarung feiner Herr-  
 ligkeit/ erfrewen/ von aller eitelkeit vnd Zorn der  
 Welt erledigen/ vnd in das verheiffene Reich  
 einführen.

Solche Boßheit/ fehen wir nicht allein an  
 den öffentlichen Feinden d<sup>9</sup> Chriſtlichen Kirchen  
 vnd der Warheit Gottes/ Alß da iſt der Türck/  
 Maho<sup>9</sup>

A3<sup>r</sup>

Mahomet vnd dergleichen/ Sondern an denen/  
 die sich zum Chuftlichen Glauben vnd Namen  
 bekennē/ vnter welchen ja nicht der vierdte theil/  
 wie das Euangelium Luce am 8. Capitel mel-  
 det/ das liebe/ reine vnd Seeligmachende Wort  
 Gottes recht annimbt vnd behelt/ durch mittfol-  
 gende Gedult/ gute Frücht bringend: sondern  
 veracht/ wider vergiffet/ vnd in einem bösen er-  
 gerlichen vnd vnchristlichen Leben fortföhret/ vñ  
 leffet alle trewe Warrung vñnd Straffe ver-  
 geblich vnd vmb sonft gefchehen/ nicht anderft/  
 Alß wenn alles Predigen/ Schreyen/ Singen  
 vñ fagen/ von dem Jüngften tage/ von dem ewi-  
 gen Todt vnd Hellifchen pein ein Märlein/ ein  
 Menfchengedicht/ vnd lauter träwme/ vnd das  
 Menfchliche gefchlecht nur darzuerfchaffen we-  
 re/ daß es hie vnflätig leben/ in allen Sünden vñ  
 fchanden fich fülen/ vnd in folchem Sewifchen  
 leben/ fein Hiñelreich haben vnd fuchen folte.

Ob nun wol dergleichen Boßheit/ zu vor inn  
 der Welt/ zu der heiligen Propheten/ Apoftel vñ  
 ihrer Jünger zeit auch gewefen/ Vnd dieselben  
 darüber hertzlich geclaget/ vnd die ernftlich ge-  
 traffet haben wie auß jhren Büchern gnugfam  
 zubeweifen/ So ift doch die Welt nie fo arg vnd  
 verböfet gewefen alß jetziger zeit gelpüret vnd ge-  
 fehen wird/ weil zu vor gröffere Zucht vnd forcht

A iij die Leüt

A3<sup>v</sup>

die Leüt im Zaum gehalten/ vnd jetzund am meisten theil offenbarlich erscheinet/ daß sie mutwillens/ mit gutem wiffen vnd gefuchtem vleiß/ vnrecht thun/ halftarriglich am bösen halten/ vnd vnd sich mimmer bekeren wöllen.

Solches thut den Fromen vnd Gottförichtigen hertzen wehe/ vnd müssen auch die gemeinen Straffen/ Alß da seind Thewre zeit/ Hunger/ Pestilentz/ Krieg/ Verherung Land vnnd Leüt/ mit leiden vnd tragen/ wie dann vielen heiligen vnd trefflichen Leüthen widerfahren/ Noha dem heiligen Altvater/ Loth/ Abraham/ Jacob/ Mose/ Hieremie/ Daniel/ Johanni dem Evangelisten. Das macht ihnen aber den größten schmerz/ daß sie nicht allein zeitlich vnglück erleben sondern den meisten theil in ewig verderben rennen sehen. Vnd ist kein zweifel/ daß die Kirchendiener jetziger zeit dergleichen klag auch führen, so lang das heilig Evangelium/ von der Gnaden Gottes in vnserm Teutſchen Vaterland/ rein vnd vnverfälscht geprediget worden.

Aber da gehet es/ wie es pfelet/ daß die Welt solchs leftert/ vnd auffsergret schendet/ gleich alß kündten die Prediger nichts anders/ dann die Leüth straffen vnd außrichten. Aber die vngeshorhamen thun nicht anderst/ vnd wollen noch gern recht haben/ vnd vngestraft sein.

Hiewider

A4<sup>r</sup>

Hiewider sollen fromme Pfarrherrn/ Regenten/ vnd Hauß vätter sich mit der heiligen Propheten/ Apofstel vnnd anderer Exempel ſchützen/ verfechten vñ entſchuldigen/ vñ keines wegs dem vngeratenen hauffen ſoviel einräumen daß ſie die vngeltrafft laſſen wolten/ Denn ob ſchon bey jhnen nichts zuerhalten/ vnd ſie je den graßigten Weg zur verdammuß hingehen wöllen ſo haben doch andere/ vermög jhres Beruffs/ das jhre gethan/ vñ werden am jüngſten tage/ an jener verderben/ keine ſchuld haben.

Die andern aber werden alß verächter vnd mutwillige lünder/ den ſchon finden/ der ſie recht richten/ zwingen/ vnd zur ewigen ſtraffe vbergeben kan.

Nun iſt aber vnter allen ſtücken die zur Bekerung vnd Besserung eines Menſchen helfen vnd antreiben ſollen/ diß das allerſterckſt vnd krefftigſte das von dem Jüngſten Gericht/ vnd ewigen Verdammuß handelt/ do der rechte vnd wahre Richter vber die Lebendigen vnd Todten/ alle Sünder verurtheilen/ vnnd ins Helliſche Feuer hinſchicken/ die Gottfeligen aber/ zur ewigen Frewde einführen wird. Do ein ſolcher ernſt/ zorn vnd Gewalt/ wird gebrauchet werden/ daß kein Gottlofer ſich darwider ſetzen/ noch beſchütze kan. Welchen ſolche ernſtliche ſtraff/ vnd ge-

A iiij rechter

A4<sup>v</sup>

rechter zorn Gottes/ zu keiner Zucht noch Bekehrung verurfachet/ dem ist weder zuhelffen noch zurathen.

Wie graufam vnd schrecklich aber solch Gericht gehalten werde/ vñ was ferner darauff folgen soll/ wird hie in dieser Predigt etlicher maffen für die augen gestellet.

Denn ob es schon keinem Weltlichen Gericht zuvergleichen/ ist es dennoch nutz/ mit gedanken jnen fürmalen/ wie schrecklich/ ernstlich vnd gewaltig/ daffelbig gehalten werden solle.

Vnd ist in diesem fall/ der heilige Cyrillus/ ein rechter vnd künstlicher Maister/ der sonst in andern stücken Christlicher Lehr/ sehr gewaltige vnd hohe reden führet/ vñ oft dieselben mit schönen Gleichnüssen herfür streicht.

Er hat auch zu einer zeit gelebet/ do gewaltige Ketzereyen entstanden/ vnd allerley vnruhe in der Kirchen Gottes/ durch vnruhige Köpff gestiftet gewesen/ alß man nach der Menschwerdung Christi gezelt/ 430. Jar/ Vnd dann hernach ein lange zeit. Do vor 100. Jarn/ der schendliche Ketzler Arius war verdambt/ vnd bald hernach/ wunderlich getroffen worden/ Vnd nu zu feiner zeit/ Nestorius vnd Eutyches sich erhoben hatten/ wider welche er in seinen schriften treulich kempffet. Denn Nestorius gab für/ Gott were nicht

A5<sup>r</sup>

nicht Mensch worden/ hette nicht Milch gefogē  
 von seiner Mutter/ noch sich in Egypten tragen  
 lassen: vñ macht also auß einem/ 3wen Christos/  
 auß einer einigen Person/ 3wo Personen: Eu-  
 tyches aber gab das widerpiel für/ Nemlich/ daß  
 die Menschliche Natur in Christo/ in die Gött-  
 liche verwandelt were.

Wider diese böse Irrthumb hat er fleißig ge-  
 prediget vnd geschrieben/ vnd hat im 436. Jar/  
 zu Epheso auff dem Concilio, alß ein Præses,  
 Haupt vnd Oberfter/ do sonft mehr dann 200.  
 heiliger Bischoff verdamlet gewesen/ auß Gottes  
 wort/ den Nestorium für einen Ketzer vrtheilen/  
 erkennen vnd verdammen helfen.

Do Er aber endlich/ der Welt art vnd vn-  
 danck gesehen/ vnd die große vnd starcke Boß-  
 heit der Menschen gespüret/ hat er neben andern  
 sehr nutzlichen vñ heilfamen schrifftten auch diese  
 Predigt/ von dem letzten Abfcheid der  
 Seel/ vom Leibe des Menschen/ vnd  
 dem Jüngsten Gericht/ hinderlassen/  
 welche billich alle Christen lesen/ hören/ vnd fleiß-  
 fig betrachten solten. Denn Er Cyrillus zeiget  
 nicht allein an/ was für ein jämmerlich wesen/ bey  
 den Verdambten/ nach dem jüngsten tage folgen  
 werde/ Sondern malet auch für/ wie schrecklich

A v            das

A5<sup>v</sup>

das Gericht gehalten/ vnd aller Menſchen wort/  
Werck/ gedancken/ gar genawe ſollen verlefen/  
gehört/ vñ nach demſelben geurtheilet werden.

Vnd ob wol der Richter/ alß Allmechtiger  
Gott/ dem nichts verborgen noch vnbekand ift/  
keines Zeügen bedarff/ ſo meldet er doch/ daß die  
heiligen Engel/ alß trewe Auffmercker/ Zöllner  
vnd Buchhalter/ aller Menſchen gute Wort/  
Gefang/ Gebet/ Danckſagung/ Lehr Predigt/  
trewe Straff/ vñ andere gute Werck/ auffzeich-  
nen/ vnd öffentlich außruffen werden.

Die böſen Geiſter aber/ vnnd verdambten  
Teuffel/ alß Mauiner vnd beſtellte Verräther/  
werden alle Sünd/ Schand/ ergerliche Wort/  
vnfletige Geberd/ Lafter vnnd Vntugent für-  
bringen/ den Sündern fürucken/ ſie verklagen/  
vnd nach erfolgtem End vrtheil/ in ewigkeit que-  
len vnd peinigen. Dadurch er die Chriſten zu  
guten Wercken locken/ vnd von der Boßheit ab-  
ſchröcken will.

Vmb dieſer vrfach willen/ helt er auch der  
Außerwehlten feligenn Stand/ gegen der Ver-  
dambten Elend/ vñ will ja mit der angehengten  
Warnüg in der Menſchen hertzen/ eine forcht/  
einſchrecken/ ein zittern vñ begird/ zur Bekerung  
vnd rechten Buß erwecken/ vnd alß in einem  
Regiſter fürſchreiben, was frome Chriſten mei-  
den/

# A6<sup>r</sup>

---

den/ vnd worinne sie die Gottseligkeit vben vnd  
sehen lassen sollen.

Weil nun solche Stück in Gottes Wort  
wolgegründet vnd werth sein/ das sie inn der  
Christlichen Kirchen fleißig vnd treulich ange-  
richt getrieben/ vnd nimmermehr auß der vbung  
gelassen werden/ Hab ich diese Predigt/ forthin  
vngedruckt nicht vnter lassen sollen noch wollen/  
auff daß ein jeder/ so selbst lesen kan/ in seinem  
Haufe dieselb für sich nemen/ vnd wol betrachten  
möchte angesehen/ weil der heilige Cyrillus ein  
alter vnd berühmter Kirchenlehrer ist sie wür-  
den diese ernstliche vnd hefftige Predigt lieber  
von jme/ alß von einem andern/ lesend vernemen  
vnd anhören.

Es bedarff dieser heiliger Mann vn̄ Bischoff/  
eins Menschen Lob gar nicht/ denn das Werck  
rühmet seinen Meister/ so seind auch seine nutz-  
liche Bücher fürhanden/ darinnen Er die für-  
nemfte vnd schwerste Stücke Christlicher Lehr  
erkleret/ mit Schrifften bekreffiget/ vnd wider  
die Schwermer vnd Ketzer verteidiget.

Aber soviel den jüngsten Tag/ vnd letztes Ge-  
richt anlanget/ weiß ich nicht, ob auch der alten  
Lehrer einer/ nach dem Wort Gottes/ so hefftig  
vnd ernstlich/ alß eben dieser Cyrillus zu Alexan-  
dria Bischoff/ davon geschrieben vnd geprediget  
habe/

A6<sup>v</sup>

---

habe/ auß welchem genugsam erscheinet/ daß ers  
trewlich vnd hertzlich gemeinet/ vnd die Welt  
vom Irrweg/ gern auff die Straffen der See-  
ligkeit wolte gefüret haben/ wie er dann in dieser  
fachen/ das fterckifte vnd mechtigfte Argument  
vnd vrfachen/ folcher Vermahnung/ von der e-  
wigen Seeligkeit der Außerwehlten/ vnnd von  
dem ewigen jammer der Verfluchten füret.

Von diesem ftücke aber/ folten nicht allein  
die trewen Prediger handeln/ sondern auch die  
Obrigkeit vnd Haußväter/ bey den Vntertha-  
nen vnd Haußgefind anzurichten/ jhren mög-  
lichen fleiß anwenden/ Sintemal sie deßwegen  
alle zur Rechenfchafft am Jüngsten tag/ Chri-  
fto dem höchften Richter/ verbunden fein.

Jft derwegen an Chriftliche fromme hertzen  
mein hochfleißige Bitte/ dieselben wöllen diese  
herrliche Predigt des heiligen Cyrilli/ in allem  
guten auffnehmen/ für euch selbst lefen/ andern zu  
lefen Commendirn/ vnd nach ewrem Ampt da-  
hin arbeiten helffen/ das auch andere darauß ge-  
belfert/ vnd also im werck die gewünschte frucht  
gespüret werden/ Solches gereicht dem ewigen  
Allmechtigen Gott zu Ehren/ gedeyet euch zu  
gutem Rhum/ vnd gibet zur Zucht vnd Besser-  
ung gute vrfach. Hiemit alle vnd jede/ in den  
schutz des Allmechtigen bevelhend.

M. J. H.